

# Za katemera wa chitopa cha nkhuku: Mtundu wa I-2

## Cholinga cha Katemerayu:

- Katemerayu ndi woteteza nkhuku ku chitopa (kapena chideru).
  - Ngati nkhuku sizinatetezedwe ku chitopa pogwiritsa katemera, zambiri zimafa.
  - Koma ngati zalandira katemera kale, zochepa ndi zimene zimafa.
- Chitetezo cho chokera kukatemerayu chimayamba kugwira ntchito patatha sabata imodzi kuchokera tsiku lotemera.
- Chitetezo cho chokera kukatemera chimafooka mphamvu pang'ono pang'ono ndikutheratu mphamvu pakadutsa miyezi inayi. Nkhuku ziyenera kulandiranso katemera wina kuti chitetezo chilimbisidwe .
- Katemerayu ndi woteteza ku chitopa basi. Sangathe kuteteza nkhuku ku matenda ena.
- Katemerayu ndi wopeleka chitetezo osati kuchiza. Katemerayu sangathe kuchiza nkhuku zodwala kale ndi chitopa.



## Kasungidwe:


- Katemerayu asasiyidwe pa dzuwa ngakhale kwa nthawi yochepa.
- Katemerayu asaumitsidwe ndi kuzizira kwambiri.
- Katemera asungidwe mu firiji kapena bokosi lozizira ndi miyala ya madzi.
- Katemera agwiritsidwe ntchito pasanadutse masiku awiri chimuchotsereni mu firiji.
- Katemera asungidwe pa malo ozizira.
- Njira yabwino kuyendetsa katemerayu ndi kuika mu nsaru yonyowetsedwa ndi madzi, mkati mwa basiketi.

## Kutha Mphamvu:

- Werengani mofatsa pa botolo lakatemera. Ngati sipanalembedwe nthawi imene katemerayu adzathe mphamvu, gwiritsani ntchito pasanapite miyezi inayi.

## Kagwiritsidwe Ntchito:

- Khutchumulani botolo lakatemera musanagwiritse ntchito.
- Donthezani kamodzi mu diso limodzi la nkhuku iliyonse. Kodonthezera kasakhudze nkhukuyo.
- Sankhani malo a mthunzi popereka katemera. Nkhuku zonse pakholapo zilandira katemera ngakhale zogogomola kumene.
- Sungani ma lekodi akatemera pa fomu laperekedwa kapena mu bukhu.
- Osatemera nkhuku zodwala kale. Mwini wake adzakusambirani m'manja zikafa.



## Dziwani izi:

- Palibe chobvuta chilichonse cho chokera ku katemerayu. Katemerayu sangadwalitse munthu kapena nkhuku. Katemerayu sasokoneza mazila kapena nyama ya nkhuku m'njira iliyonse.
- Nkhuku zomwe zimafa zitatereredwa zimakhala zitafa ndi matenda ena kapena kuti zinali kale ndi chitopa polandira katemerayo.



Kabuku aka kalembedwa ndi Rural Poultry Centre m'Malawi ndi cholinga chothandiza opereka katemera mumadera. Ngati mufune kudziwa zambiri, chonde funsani ofesi ya zaulimi imene muli nayo pafupi kapena funsani:  
National Rural Poultry Centre  
PO Box 81, Likuni.  
<http://www.ruralpoultrymalawi.org>